

الاستحواذ الشيطاني

WWW.DARKWEB30.COM



الكاتب : علي عبد العزيز

Author : Ali Abdul Aziz

Link Website : darkweb30.com

Page link on Facebook: >>>> [Go to the link](#)<<<<

Facebook group link : >>>> [Go to the link](#) <<<<

Email : alishrif541@gmail.com

قبل قرأت هذه القصة عليك أن تقوم بتنفيذ هذه الشروط انت الان في عالمي وعليك أن تلتزم بهذه الشروط

اولا اجلس في مكان هادي

ثانيا عليك أن يكون معك مشروبك المفضل

ثالثا المكان الذي تجلس به يجب ان يكون مظلم لانني لا احب الضواء، انت تقرأ قصة مرعبة فعليك أن تلتزم بطقوس القراءة

رابعا عليك وانت تقوم بقراءة هذه القصة أن تقوم بتشغيل فيديو من علي هذه القناة وانا تركت لك الاختيار

[Horror Music World](#)



الاستحواذ الشيطاني

السلام عليكم ورحمة الله وبركاته أستاذ علي، فكرت كثير قبل ما ارسل لك هذه الرسالة ولكن اتخذت القرار إني ارسل الرسالة ولو كنت بتسأل ليه غيرت رأي لان كنت أريد من حضرتك تنشر هذه القصة عندك في الموقع لكي تحذير كل من يقرأ مقالات أو قصص حضرتك أنهم ميفكروش خالص في دخول هذا العالم لانه سوف يصبح شخص ثاني شخص منعزل بعيد عن كل الناس، أنا عارف إني كلامي مش واضح و حضرتك مش فاهم حاجه ولكن الرسالة ده هيتم ارساله بشكل اتمايتك لو حصلي حاجه لاني حاسس اني هموت المهم

أعرفك بنفسني الأول أنا اسمي أمين عندي 35 سنة شغال محاسب بحب القراءة جدا كنت بقرا أي كتاب أشوفه قدامي لإني أنا مش متجوز وأمي وأبويه ربنا يرحمه وكان عندي فارغ كبير جدا بعد الشغل فأكنت بقراءة طول الوقت في كل حاجه المهم العقل كل ما يقرأ كتاب يحسه أنه كان جاهل بحاجات كثير وان العقل محتاج اكثر محتاج معلومات اكثر وده اللي كنت بعمله كنت بفضل اقرأ في كتب، ولكن

مش هيحصل الكلام اللي بنسمعه في الحكايات أني وقع في ايد كتاب سحر والحوار ده الموضوع اكبر من كدة

البداية

المهم في يوم كنت لسه جاي من الشغل وداخل العمارة ولقيت أستاذ احمد والجيران كلهم واقفين قدام شقة أستاذ احمد اكيد حصل حريق زي كل مرة استاذ احمد من اول ما سكن في الشقة دي والشقة بتولع كل 3 شهور من غير سبب وأن الغريب أن مفيش سبب واقعي لحدوث الحريق المهم وقفت معاها شوية وفعلا زي ما كنت متوقع ولكن المرة ده مش زي كل مرة

هتقولي لزي مش زي كل مرة هقولك أني الجيران أقتنعوا أستاذ احمد أن اللي بيحصل عنده في الشقة حاجة مش طبيعية وأنه لازم يجيب شيخ يقرأ قران في الشقة أستاذ احمد مكنش عايز يفتح الباب ده لانه مش هيخلص لان في ناس كتير نصابين ولكن مرات أستاذ احمد كانت بضغط عليه أنو يجيبوا شيخ من طرف امها اللي هي حماته وفعلا تاني يوم وانا جاي من الشغل طالع لقيت أستاذ احمد واقف وكان معاها شخص وكان أستاذ احمد عمال يحكي عن الحاجات اللي بتحصل في الشقة وكان الشخص ساكت وبيسمع منه

قولت السلام عليكم وقفت مع أستاذ احمد مينفعش أسيبه لوحدة ده واجب وأحنا ناس صعيده ونعرف الأصول كويس المهم كان الراجل ده اسمه الشيخ أبو طاموس بعد ما خلص أستاذ احمد الحاجات اللي بتحصل جوه الشقة، أبو طاموس **اتكلم وقال** : طب لو سمحتموا أطلعوا بره مش عايز حد في الشقة



من كلام الشخص ده فهمت أن الحوار مش قراءة قران الموضوع شكله اكبر من كدة وده مش شيخ بس كنت عايز أتأكد برضو ده مجرد شك بسيط، فعلا كل اللي كانوا في الشقة طلوعوا بره وهو كان وَحْدَهُ وقبل ما يقفل علي نفسه الباب قال مش عايز حد يخبط علي الباب أو يتكلم بصوت عالي عايزين تكون واقفين قدام الباب هنا مفيش مانع بس مش عايز ازعاج أستاذ احمد وافق فضل أبو طاولس في الشقة لمدة 2 ساعين واحنا واقفين بره

عايزين نفهم هو في أيه؟ وهو أصلا بيعمل أيه؟ قولت لأستاذ احمد : الشخص اللي جوه ده مش شيخ اكيد مفيش حد شيخ بيعمل اللي هو بيعملو ده وكان الرد غريب اووي من أستاذ احمد وهو : المهم يا أستاذ امين يعرف يساعدني في حل المشكلة دي المهم أبو طاولس طلع وقال : أنا كدة خلصت كان في جني مسلط عليكم وكان بيتم تجديد العمل كل 3 شهور وخذ أبو طاولس من أستاذ احمد 3 آلاف جنيه أنا كدة فهمت فعلا ده مش شيخ لان الشيخ بيعمل الحاجات ده لي لله

ده أكيد نصاب كنت واقف جنب الباب وأبو طاوس بيسلم علي أستاذ احمد وكانت عيني في عينة وي كنت بقول في نفسي هو كدة بيخوفني يعني ولا ايه وسعت الطريق عشان يمشي لقيت واقف وبيبصلي وبيقولي : أستاذ أمين أنا مش شيخ أنا روحاني وده شغلي اللي باخد عليه فلوس ومش نصاب وانا مش بخوف السلام عليكم وسابني ومشي

فضولي القاتل

أصدمت من اللي قالوا عرف أسمي وعرف اللي كنت بقوله لنفسي زاي وأفكار كثير هجمت علي دماغي كان أستاذ احمد عامل يكلمني وأنا كنت في عالم ثاني أستاذ امين أستاذ امين مالك يا أستاذ امين، أسف كنت سرحان في حاجه بس لقيت أستاذ احمد بيرد عليه وبيقول حبي جديد ده ولا ايه فرحانه بيك ياعم ابتسمت

وقولت لي أستاذ احمد حاجه غريبة اووي : انت معاك رقم أو عنوان الشيخ طاوس

أستاذ احمد : اكيد، أنت عندك مشكلة

أمين : مش أنا الحقيقة ده صديقي في الشغل

أستاذ احمد : مفيش مشكلة ثواني وهيجلك الرقم من حماتي

مش عارف أنا ليه طلبت الرقم بس كان عندي أسئلة كثيره، هو اه شكله ساحر بس مفيش ساحر بيعرف معلومات بسرعة ده بدون تحضير مساعد من الجن، كان أمر مجهول جدا ومستحيل بنسبة ليه وكنت لازم اعرف وافهم عشان ارتاح تقدر تقول عليه أني فاضي، مجنون المهم ده مش هغير حاجه دلوقتي

أنا من النوع أني فضولي ممكن يخلني أخطر بحاجات كثير من أجعل أشبع فضولي أخذت الرقم من أستاذ احمد والراجل شكروني جدا أني كنت واقف معاه، وبعد كده طلعت البيت عندي افكر هتصل بشيخ أبو طاوس ده ولا أية فتحت الإنترنت عشان ابحث ولكن ابحث عن أيه مش عارف اكتب ايه وانا مش : عارف هو عرف زاي أصلا؟ قمت أجيب التليفون واتصلت بيه ثواني ولقيت الشيخ أبو طاوس رد وقال



أبو طاوس : أستاذ أمين كنت عارف أنك هتتصل بيه ولكن بصرحة مكنتش أعرفك أنك هتصل بسرعة ده

أمين : انت قطع الشيخ أبو طاوس أمين وقال

أبو طاوس : من غير كلام كتير أنا عارف أنت عايز أيه، أنا عرفت أسمك زُاي وعرفت أنت بتقول ايه في نفسك زُاي؟ مش ده الأسئلة اللي انت بتدور في دماغك

أمين : ايوه عايز أعرف زُاي

أبو طاوس : ده علم كبير يا أمين

أمين : زُاي أنا مش فاهم حاجه؟ علم السحر يعني؟

أبو طاوس : ده علم كبير لو كنت عايز تعرف العلم ده أنا عندي كتاب هينفعك أوووي وانا عارف كويس أنك بتحب القراءة لوي

أمين : اسمه ايه الكتاب ده؟

أبو طاوس : ملوش اسمه ده مش كتاب مطبوعة، ده كتاب بخط الايد يعني مستحيل تجيب الكتاب ده اصلا

أمين : ده انت هتبيع الكتاب ده بكام يعني؟

أبو طاوس : من غير فلوس

أمين : مفيش حاجه بدون مقابل يا أبو طاوس

أبو طاوس : صح هو فعل في مقابل لكل حاجه في الدنيا، لو عايز تعرف المقابل لازم نتقابل علشان الكلام ده مش هينفع في التليفون

أمين : تمام معنديش مشكلة حدد اليوم و الساعة

أبو طاوس : تمام بكرة بعد صلاة العشاء عندي في البيت وهبعتك العنوان في رسالة عشان شغلك انت بتخلص الساعة 5

أمين : طب أنا شغال ايه؟

أبو طاوس : لسه مش عايز تصدق يا أمين أنت شغال محاسب في بنك فرع السلام عليكم

المكالمة أتقفلت، رد علي الأسئلة بدون ما أتكلم كلمة واحدة، عرف مكان شغلي وأنا شغال أيه بدون كلمة مني، و عرف أنني بحب القراءة كله ده من غير ما يتكلم معايا أو يعرفني، كنت هتجنن في اليوم ده أي حد مكاني في الموقف ده كان حس بنفس الشعور اللي أنا حاسسه دلوقتي

يوم المقابلة

المهم ثاني يوم رحى الشغل عادي زي كل يوم كان يوم روتيني عادي لحد موعد الخروج من البنك وروحت البيت، عشان اجهز نفسي أول ما الساعة بقيت 6 ونصف لقيت رسالة جاتلي علي التليفون فيه العنوان قمت اصلي ونزلت علطول روحت علي العنوان كنت واقف قدام بيت كبير قربت من علي الباب ولسه هرن الجرس لقيت أبو طاوس فتح الباب وكان بيتسم ابتسامه خبيثه جدا

وبيقول : اهلا وسهلا اتفضل يا أمين، دخلت البيت لقيت أبو طاوس بيقولي : تحب تقعد ولا أفرجك علي البيت، وكان ردي : احب اشوف البيت، أبو طاوس : أووي أووي أفضّل البيت كان كبير وكان عامل زي المتحف الفرعوني ولكن الغريب أن أبو طاوس كان عايش لوحد في البيت الكبير ده

كان ساكت وانا كنت ساكت مبهور من البيت، المهم وقفت ونظرت في عينه وقولتو ايه هو المقابل يا أبو طاوس سكت لمدة دقيقة وبدا في الكلام وقال : أنا مش هلف وادور يا أمين أنا احب اتكلم في الموضوع علي طول أنت نوع نادر من النبي أدمين

أمين : يعني ايه هو أحنا أنواع

أبو طاوس : طبعا، الطاقة تختلف، الروح، الذكاء، الحكمة، الشفافيه، النسل

أمين : وانا ايه من كل دول

أبو طاوس : أنت النوع الزهري يا أمين

أمين : الزهري؟ مش فاهم؟

أبو طاوس : الموضوع كبير ولكن عشان عارف أنك فضولي ولازم تعرف كل حاجه، هقولك اختصار يعني ايه زهري، الزهري : هو شخص روحاني يمتلك طاقة روحانية مرتفع جدا عكس الانسان العادي التي يمتلك نسبة اقل بكثير عن الإنسان الزهري , لذلك يقال انه من سلالة الأنبياء وخلق لخدمة البشر وعبادة الله فقط.

أمين : وانت برضو عايز مني ايه؟

أبو طاوس : عاوزك تشتغل معايه عشان أنت عندك طاقة روحانية عاليه جدا وهتسعدني جامد أووي هو ده المقابل يا أمين

أمين : هشتغل معاك زاي وشغلي؟ وأنا هشتغل ايه أصلا؟

أبو طاوس : الشغل بتاعي مش كل يوم وحتى لو في شغل بيكون بعد الساعة 5 يعني حياتك هتمشي عادي وي اللي أنا اعرفه أنك عندك فارغ كبير يعني مفيش مانع أنك توافق والموضوع الالم هتاخذ الكتاب ومش بس كدة هتتعلم مني حاجات عمرك ما هتتعرف تعملها وهتساعدك جامد أووي

أمين : مش عارف مش معرف ارد عليك دلوقتي

أبو طاوس : الموضوع سهل جدا أنت ليه مصعبه علي نفسك

أمين : طب أنا معمل ايه؟

أبو طاروس : مش هتفهم حاجه غير لمه توافق وتشوف بنفسك

أمين : موافق

أبو طاوس : كنت عارف أنك هتوافق يلا عشان تأخذ الكتاب بس خلي بالك الكتاب ده خطير جدا يعني اعرف معلومات بس ولكن متنفذ حاجه من الكتاب لانه مش أي حد يتعامل مع الطرق الموجود في الكتاب أنا معلمك ولكن أنت متجربش حاجه كدة في بداية الكتاب فيه معلومات كتير وتقبله عليك .عقبال ما تفهم هتكون اتعلمت مني حاجات ده أولا ثانيا لازم تعرف القواعد عشان تشتغل معايا صح

أمين : تمام يلا

: القواعد كانت

1. الأكل يكون من غير روح يعني أيه؟ يعني ممنوع أكل الحيوانات مثل اكل الفواخ و لحم البقر .
وأي حاجه بتخرج منها زي البيض، اللبن
2. لازم كل يوم بالليل تعمل تمرين زي الاسترخاء والتأمل والتنفس .
3. قراءة مجموعة من الآيات القرآنية .
4. وقراءة الكتاب بدون التنفيذ لانه هيفهمك حاجات كتير .

بداية اللعنة

عرفت القواعد وأخذت الكتاب وروحت البيت، أنا اهم حاجه حصلت في اليوم ده أنني هفهم هو لُزاي يقدر ينظر لي أي شخص يعرف عنه معلومات وأشوف هل فعلا معرف كل حاجه علي الناس اللي قدامي ولا لا، ورحت البيت و غيرت هدومي وفتحت الكتاب الكتاب مش كبير بنسبة لوحد زي بيحب القراءة كان 350 صفحة الكتاب فعلا ملوش اسم ملوش مؤلف كتاب غامض جدا أول صفحة مكتوب تحذير وهو **أترك**

هذا الكتاب لا تنطق لا تنظر سوف تفتح له الباب سوف يستحوذ عليك

مش هقولك أني مخفتش لا أنا خفت من التحذير ولكن فضولي كان اقوي من خوفي المهم الكتاب كان بيشرح أن لكل أنسان قرين من الملائكة وقرين من الجن صراع داخلك بين الخير والشر وانت المسئول عن مين اللي يكسب ومين اللي يخسر مكنتش قادر اسيب الكتاب الوقت كان بيجري مع أن الكتاب مش كبير بس أخذت وقت كثير عشان اقرأ كام صفحة من الكتاب

الكتاب كان فيه معلومات كتير اوووي زي سحر القرين هو سحر مركب ومزدوج لان الساحر بيقيم بسحر الانسي وقرينه من الجن، القرين لا يستطيع أحد حرقه لانه من المنظرين وهو يرتبط بالإنسان والانسان يموت وهو لا يموت بموت الانسان، القرين يعرف كل شيء عن صاحبه اللي هو الانسي كدة فهمت يعني أبو طاوس بيتواصل مع قرين الشخص عشان يعرفه عنه المعلومات اللي عايز يعرفه، لكي تتخلص من سحر القرين أو تريد السيطرة علي قرين قوي عليك أن تقوم بستخير ملك القراء بأسفار النجوم والكوكب والأفاق السحرية، القرين من اقوي انواع الجن

معلومات كتير أوي بس أنا مش عايز كل المعلومات ده أنا عايز اعرف أزي تقدر تتواصل مع قرين الأشخاص مكنش فيه فهرس لي الكتاب بس كان في فصول وفضلت اقلب في الفصول لحد ما وصلت لي فصل تواصل مع قرينك بداية الفصل كان بيشرح لزي تقدر تتواصل مع قرينك من الجن، أنا مش ناسي تحذير أبو طاوس ولا ناسي التحذير الموجود في بداية الكتاب ولكن كل الحاجات دي أثرت عليه بطريقة عكسية انت عارف يا صديقي **أن كل ممنوع مرغوب** أنا قررت أني هتواصل مع قريني وهرضي فضولي

استحضار القرين

2

www.darkweb30.com

قصة الاستحواذ الشيطاني (استحضار القرين)

كانت الطريقة تحتاج لي رياضة روحانية لمدة 3 أيام فقط كنت لا اعرف ما هي الرياضة الروحانية ولكن من خلال البحث علي الإنترنت فهمت أن الرياضة الروحانية دي عبلة عن الامتناع عن اكل ما يخرج من حي خلال فترة التحضير لتسخير القرين واستنطاقه زي الشرط اللي قالو ابو طاموس

ثم في اليوم الرابع يجب قراءة آيات التحصين وهي قراءة آية الكرسي 7 مرات على ماء مع النفث على الماء ثم تغسل وجهك ورأسك من هذا الماء المقروء وهو ماء تحصين من القرين، بعد التحصين يجب عليك الجلوس في غرفة لوحده و تتوجه للقبلة وتشغل البخور، البخور كان خليط من لبان الذكر و العود والميعة و الحلتيت وكان يوجد تحذير

وكان التحذير : لا تضع كمية كبير من البخور عليك أن تضع كمية قليلة لان هذا الخليط قوي جد ويجعل حضور القرين قوي وانت لن تقدر علي هذا الحضور القوي، الخطوة الرابعة أن تقوم بصرف عمار البيت لان اذا حضر القرين سوف يحدث حرب في البيت بين القرين وعمار البيت وكان مكتوب كيف صرف عمار البيت

الخطوة الخامسة : كتابة اسم ملك القرناء علي كفك الأيسر أبا ديباج العامري وعلي كفك الأيمن حمعسق ثم ترسم دائرة حول كل اسم من هذه الأسماء وتكتب حول الدائرة كذلك حرف ك خمس مرات ثم تكتب بحقك يا ملك وبحق الملك وبحق احضر قرين فلان ابن فلان وبعد ذلك تلاوة العزيمة 500 مرة وهي وبعد كل ذلك سوف يحضر القرين وكان هناك تحذير ثالث وهو : المطلوب الثبات أثناء حضور القرين وسؤاله ما تريد دون تردد أو خوف ومن ثم تقل له انصرف بامن الله ورعايته فحاول الثبات قدر المستطاع وذلك بعد الانتهاء من تسخير القرين وسؤاله عليك قراءة البرهتية

هذه كانت الطريقة المشروحة في الكتاب كانت طويلة وتحتاج وقت قمت بدخول علي جوجل لكي ابحث علي طريقة اسهل وعثرت علي التالي : طريقة مشهورة علي الانترنت لتحضير القرين وهي مش لازم تدخل الحمام وتقف قدام المراية عشان تحضر القرين الموضوع اسهل من كدة ادخل اوضة فيها مراية، طفى النور، اقل الباب، خلى يبقى فى نور بسيط عشان تقدر تشوف نفسك فى المراية وعليك نطق اسمك ولكن بشكل معكوس

قرب من المراية وركز فى ملامحك وكأنك بتتأمل نفسك من أول وجديد ركب بتركيز شديد وفى خلال ربع ساعة هتلاقى ملامحك اتغيرت حاجة بسيطة طب خليك باصص على المراية زى ماننت وخليك لمدة ١٠ دقائق هتلاقى ملامحك أتغيرت لشخص شبهك ولكن مش انت شخص ملامحة قوية انت بتحرك ولكن الصورة فى المراية ثابتة، كانت هذه هي الطريقة المنتشرة علي الإنترنت وقمت بعمل هذه الطريقة ولكن كانت التجربة فاشلة

العمل مع ابو طاوس



بشوف الساعة لقيت الساعة 3 الفجر انا لازم اناام عشان عندي شغل بكرة قفلت التليفون وقفلت الكتاب ودخلت نمت، وتاني يوم كان يوم عادي في الشغل ولكن لقيت علي الساعة 1 الظهر لقيت ابو طاوس بعثلي رسالة علي التليفون أن هيكون في شغل بعد ثلاثة أيام وكان كاتب ملاحظة وهي أنني التزم بشروط

كان اليوم كله كان تركيزي في الطريقة الموجود في الكتاب كان في حاجه بتشدني أنني اجرب الطريقة الموجود في الكتاب والغريب أن في نفس الوقت حاجه تمنعني ولكن أنا كنت حابب شعور قراءة الناس اللي قدامي وكنت فعلا عايز اجرب مش هخسر حاجه وفعلا قررت اني لمة اروح البيت هقوم بتنفيذ الطريقة خطوة خطوة

قطع تفكيري صوت علي صديق عمري وزميلتي في الشغل ولكن هو في مركز اكبر في البنك، ايه يا امين
 عمال اكلمك وانت سرحان في ايه؟ **امين** : معلش يا علي كنت مركز في حاحه في الشغل **علي** :
 شغل برضو يا بني أحنا الساعة 4:30 قوم جهز نفسك ويلا عشان اوصلك عشان عندي مشور قريب من
 عندك **امين** : حاضر يا علي ثواني وهكون معاك حالا **علي** : ماشي مستنيك قدام البنك **امين** : ماشي

حديثه، وربنا BMW وفعلا قمت احضر نفسي وروحنت مع علي في عربيته بسم الله مشاء الله عربية
 يكرمه يارب علي من اعز اصدقائي ولكن هو محظوظ عني ولكن أنا راضي والحمد لله المهم علي
 وصلني وأنا طلعت علطول علي البيت عشان اشوف هبدأ زُاي في تنفيذ الطريقة وفعلا قمت بعمل
 جدول زمني والأكلات اللي المفروض تعوضني عن الكالسيوم الموجود في اللبن والبروتين الموجود في
 اللحوم والأشياء ده

كان كل حاحه تمام ولكن كان هناك مشكلة واحدة وهي في اخر يوم من أيام الرياضة الروحانية هيكون
 أول يوم شغل مع ابو طاوس المشكلة مش في الرياضة الروحانية لان كدة لازم اعمل الرياضة دي
 قبل الشغل مع ابو طاوس المشكلة هل يمكن أن يعرف من قريني أني اقوم بتنفيذ طقوس تحضير القرين

مكنتش لقي حل لهذه المشكلة ولكن مفيش حل غير اني هكمل وفعلا بدأت في تنفيذ الطقوس وعده
 اليوم الأول والثاني والثالث ورجعت من الشغل مستني رسالة تحديد الوقت من ابو طاوس وعلي الساعة
6:30 الرسالة جتلي علي التلفون وكان الميعاد الساعة 10 بالليل والمكان في بيت ابو طاوس، قمت
 صليت المغرب واكلت وبعد كدة صليت العشاء انا من وانا صغير والحمد لله بصلي

عارف السؤال إلي بيدور في دماغك وهو زُاي واحد بيصلي رايح يساعد ساحر في شغله؟ أولا ابو طاوس
 قال أنه روحاني ومش ساحر وهناك فرق بين الاثنين ثانيا ابو طاوس قال أنه هيستفاد من الطاقة اللي أنا
 متميزة بيه رابعا أنا مش هسمح بعمل أي حاحه حرام

قمت لبست ونزلت ورحت لي بيت ابو طاوس دخلت البيت ورحب بيه زي المرة اللي فاتت **وقال** :
جاهز يا أمين أمين : جاهز بأذن الله ابو طاوس : يلا نخرج

أمين : نخرج فين؟

ابو طاوس : انت خايف ولا ايه؟

أمين : لا انا تمام، كنت بحسب أن الشغل هيكون هنا

ابو طاوس : هنا هيكون مكان الشغل ولكن الكشف مش هيكون في البيت

خرجت من البيت وكان في عربية قدام البيت وانا داخل البيت مكنتش موجود، المهم دخلت العربية وكان المكان بعيد بعد ساعة ونص العربية وقفت وكل اللي في العربية نزلوا كنت انا وابو طاوس والسواق كان مكان في وسط الصحراء ولكن كان في بيوت كان في ناس مستنينه كانوا ناس من العرب وحدث
: الحوار التالي

ابو طاوس كل ده يلاجل -

معلش غصب عني والله يا أبو حازم -

المهم تكون لقيت حل -

متقليقش يا أبو حازم -

مكنتش فاهم الحوار لحد ما وصلنا إلي مقبرة أنا كده فهمت الحوار ابو طاوس **قال** : يلا يا امين ادخل وخذ الكشاف ده، **امين** : هدخل ايه مش فاهم حاجه

ابو حازم : ايه يا ابو طاوس هو مش عارف الشغل ولا ايه؟

ابو طاوس : لا هو عارف كل حاجه هو لسه جديد

قرب مني ابو طاوس **وقال** : أمين انت اول لمة دخلت عليه البيت من شوية وانا كنت شايف في عنيك و في جسمك الطاقة الروحانية انت جاهز انت الوحيد اللي هتقدر تدخل عشان نعرف نخرج الكنز من المقبرة انت الوحيد اللي الجن مش هيقدرو يعملوا معاك حاجه يا امين خليك واثق في نفسك أحنا هناخذ 40 % من الكنز اللي في المقبر دي افهم

لقيت نفسي **بقوله** : ماشي انا هدخل المقبرة أخذت الكشاف ودخلت المقبرة كان المكان مظلم وفي رائحة وحشة عارف رائحة تعفن الجثث لقيت نفسي اتكعبلت في حاجه وقعت علي وشي قمت بسرعة لقيت نفسي وسط مجموعة من الجثث الميتة الظاهر كدة أن كل شخص كان بيحاول يدخل المقبرة بيموت عشان كدة محدش عايز يدخل معايه انا كنت فار التجارب ماشي يا ابو طاوس المهم مكنتش خايف كان



عندي ثبات غريب جدا شايف جثث وانا داخل مقبرة والموضوع بنسبة ليه عادي حاسس بطاقة غريبة جوية طاقة أول مرة احس بيه ومشيت اكمل لحد ما لقيت الكنز كانت عبلة عن تمثيل، عملات، أطباق، وكان فيه تابوت فرعوني التابوت كان فيه مميه فرعونية اكيد ده الملك الفرعوني صاحب كل الذهب ده المهم سمعت صوت حد داخل عليه لقيت ابو طاوس والناس العرب كان مش مصدقين أنفسهم، ولقيت ابو حازم بيقول ده انت طلعت جن يا امين



لقيت **ابو طاوس قال** : كنت عارف انك هتقدر تخرج الرصد وهنعرف ندخل اخيرا **امين** : بس انت كنت بضحي بيه يا ابو طاوس **ابو طاوس** : لو مكنتش عارف انك هتعرف تدخل مكنتش خليتك تدخل المقبرة يا امين لقيت نفسي بقوله والجثث اللي كانت علي الارض قتلهم نفس الكلام قبل ميدخلو المقبرة

لقيت لي اول مرة ابو طاوس مش عارف برد ومتوتر **وقال** : لا لا ده ده كان في روحاني قبلي قصدي كان ساحر ربنا يسمحوا انا لا يمكن اعمل كدة، ابو طاوس كان عمال يخترع اي مواضيع عشان يهرب من الكلام المهم طلوعوا الحاجه واخذ فلوس كتير اووي 20% من سعر الحاجه لمة تم بيعه، كنت أول مرة امسك المبلغ ده أنا كان طموحي أني امسك 10% من المبلغ ولكن الحمد لله روحت البيت وابو طاوس قال اني ميكون في ميعاد قريبا قالتلو ماشي عشان كنت تعبان اووي و كنت مخنوق من ابو طاوس

بداية طقوس التحضير

انا كنت ممكن اموت كان بيضحى بيه وعامل نفسه عنده قوة وطاقة روحانيه وبيعرف يفك اعمال وهو اصلا كان خايف يدخل لحد ما اتأكد أن الرصد هرب من المقبرة انا مش هروح لي الراجل ده تاني العلاقة انتهت لحد كدة، كنت معرفش ان الجن بيخاف مني اووي كدة الحمد لله علي النعمه ولكن كنت تعبان اليوم كان طويل وصعب ولكن المفروض اعمل طقوس استحضار القرين مش لازم اغلط في

حاجه لان التحذيرات كانت في دماغي علطول، غيرت هوموي وعملت فنجان قهوة ودخلت الاوضة
وشغلت البخور

وصرفت عمار البيت، وكتبة اسم ملك القراء علي كف ايدي وعملت كل الطقوس ولكن الغريب مفيش
حاجه حصلت عملت الخطوط مرة تانيه ولكن مفيش فايده كنت خلاص مش قادر قمت ورحت علي
السرير ونمت نوم عميق **أمين أمين أمين** صحيت من النوم علي صوت بينده عليه ولكن مفيش حاجه أنا
شكلي كنت بحلم بمسك التليفون لقيت علي صديقي متصل اكثر من 50 مرة أكيد بيتصل عشان الشغل
.خلاص بقي شغل ايه انا معايه فلوس كثير اووي اكيد مش هروح الشغل تاني

كنت صاحي من النوم كان جسمي مكسر وكنت حاسس بألم شديد في الجانب الأيسر، كان عندي صداع
شديد اووي، عندي نبض غريب في أماكن مختلفة في جسمي الساعة 4 العصر، مكنتش قادر انا مش
قادر اقوم اصلي لقيت نفسي نمت تاني وصحيت علي الساعة 8:30 بالليل كان لسه في صداع بس
حالتي اتحسننت من الصباح قمت عشان ادخل الحمام، فتحت نور الحمام واقف قدام المرايا اللي فوق
الحوض بغسل وشي لقيت صورتي ثابتة وانا بتحرك مش ثابت



كنت سامع صوت قلبي كانت ضربات قلبي سريعه اووي كنت مرعوب من المنظر اللي انا شايفة عمال
اتحرك وصورتي ثابتة لا دلوقتي صورتي بتغير لا مش قصدي صورتي اللي بتغير لا قصدي ملامح وشي

بتغيير في المرايا كان ملامح جامدة، نزلت راسي تحت حنفية المياة في الحوض عشان افوق انا اكيد عندي هلوسه بصرية خرجت راسي من تحت الحنفية ابص علي المرايه الحمد لله المرايه كنت شايف فيه واشي عادي خرجت قعدت علي الكرسي مكنتش عارف ايه اللي بيحصل ده

لا انا كداب اكيد كل اللي بيحصل ده من القرين اكيد ده قريني أنا كان قلبي هيقف من الموقف الحمد لله الحمد لله انا لازم احرق الكتاب ده مش هكمل بس مش هكمل ايه وانا عملت كل حاجه وهستفاد ايه ليه احرق الكتاب يعني ايه اللي هيجعل ده ممكن الحوار يكبر، طب انا عملت الطقوس امبارح ومحصلش حاجه غير انهارده وي لو هو اصلا القرين ليه متكلمش مسكت الكتاب اكيد هيجعل في اجابة علي اللي حصل معايا انهارده.

مسكت الكتاب ورجعت الطقوس لقيت فعلا أن بعد اتمام الطقوس هتكون بداية الاتصال من خلال المرايا يعني ده كان أول اتصال بيني وبين القرين كان مستني أني ابدأ الكلام ولكن هو انسرف من غير ما اتكلم واقول : **انصرف بامن الله ورعايته**، قمت تاني عشان ادخل الحمام عشان اتوضا واصلي كنت المرة دي مستعد اذا ظهر القرين مرة اخري.



دخلت الحمام فتحت نور الحمام وغسلت الكفين بعد كدة المضمضة بعد كدة الاستنشاق ثلاثة مرات بعد كدة غسلت وشي بعد كدة الايد اليمين المرة الاولي محصلش حاجه المرة الثانية محصلش حاجه المرة الثالثة محصلش حاجه كملت الوضوء عادي بغسل ايدي الشمال لسه بدخل ايدي الشمال تحت المياة لقيت ايدي اتجمدت في مكانها فقد السيطرة علي ايدي الشمال خالص، جاي ابص في المرايه لقيت !!!! القرين بيبتسم ولقيت باب الحمام اترزع ونور الحمام اتقفل انا اتحبست في الحمام

أيام الاستحواذ 7



قصة الاستحواذ الشيطاني (7 ايام الاستحواذ) لاثق في كلام قرينك لانه ابن ابليس

التواصل الأول مع القرين



- متخفش يا امين مش ده اللي انت كنت عايزه انا بتكلم معاك دلوقتي ماذا تريد مني؟ -
- هو انا مش عارف اسيطر علي ايدي الشمال ليه ورجلي الشمال برضو مش عارف اسيطر عليه -
- لان الجزء الشمال في جسمك بيكون مكان القرين -
- يعني ايه ؟ هكون كدة علطول -
- لا طبعا الاحساس ده هيبكون موجود ليه انا في العالم بتاعك ليه ارواح العالم بتاعي جسمك -
- هيبكون طبيعي، روح افتح الباب بعد 5 دقائق علي صحبتك هيبط علي الباب
- طب هو التواصل هيبكون في الحمام علطول، هو مش الفروض يكون في حضور وانصراف -
- لا مش لازم انا وانت واحد يا امين يعني انا بحميك من عالم الجن وانت تحميني من عالم الانس انا -
- وانت مكملين لبعض
- طب التواصل هيبكون ازاى؟ -
- في البداية التواصل هيبكون من خلال المراية في اي مكان يعني مش لازم الحمام بس، وبعد 7 ايام -
- هكون معاك في كل مكان اتكلم معاك وتتكلم معايا

دق دق دق

روح افتح الباب -

ماشى -



باب الحمام أفتتح وخرجت من الحمام ورحت لحد الباب وفتحت باب الشقة لقيت فعلا **علي** : انت كويس يا امين؟ **امين** : انا تمام يا علي ادخل، علي دخل الشقة وقال : طب مش بترد علي التليفون ليه؟، مجتش الشغل ليه النهارده؟ **امين** : عشان اتخنقت من الشغل والحياة الروتينية، انا بقالي في الشغل كام سنه يا علي؟ **علي** : كثير يا امين كثير اووي **امين** : كويس اللي انت عارف قضيت نص حياتي في البنك وصلت انا لي ايه يا علي؟ منغير متتعب نفسك وتفكر يا علي

موصلتش لي اي حاجه انا وانت اشتغلنا مع بعض في البنك صح؟ **علي** : ابوه صح، **امين** : انت دلوقتي معاك عربية حديثة وبقيت

في منصب اكبر مني وعندك شقة في الشيخ زايد ومفيش فرق بيني وبينك في الشغل بلعكس يا علي انت عارف كويس اني اشطر منك في الشغل وبشتغل اكثر منك ولكن في الزمن ده كل حاجه اختل فيه التوازن.

علي : بس يا امين، امين : لو سمحت يا علي انا لسه مخلصتش كلامي انا هقولك أنت اشطر مني في ايه؟ في التطبيل للمسؤول، تكوين علاقات مع اشخاص انت مش بتحبه اصلا يعني بوشين، وكل ده ليه عشان توصل الي هدفك، الصراحة يا علي انت افضل صديقي ليه ولحد دلوقتي يهكم امري وده انا بحترمو فيك ولكن انا وانت مختلفين اووي يا علي

علي : انت عندك حق في كل حاجه ولكن انت لسه قايل كل حاجه اختل توازنه يعني لو انا معملتش كدة مكنتش وصلت لي اي حاجه زيك يا امين، امين : صح ولكن هتفضل طول عمرك تحت رحمة البنك او المكان اللي انت شغال فيه احنا بنضيع عمرنا في شركات عشان منصب عشان مرتبي يكون اكثر والشركة سنة بعد سنة بتكبر وتفتح فروع كتير وانت بتكون زي ما انت مرتبك بيزيد 10% ولما تحسبه هتلقني نفسك بتاخذ نفس المرتب مش بيزيد ولا بيقل لان مع كل سنة بتعدي وقيمة الفلوس بتقل يا علي

التحكم الجزئي في الجسد



أطلع بره يا علي انا مش عايزك في حياتي تاني، لقيت علي خرج من الشقة انا كنت قاسي اووي مع صديق عمري وهو اصلا معمليش حاجه انا عمري ما جرحت حد قبل كدة حاول يضرنى وهو اصلا كان ذنبة ايه؟ كل ده عشان هو عايز يطمئن انا ليه مجتش الشغل، زاي اعمل معاه كدة انا لازم اتصل بيه. روحت مسكت التليفون عشان اكلمة لقيت ايدي الشمال اخدت التليفون ورمت التليفون في الكرسي.

هو مش علي ده اللي أخذ المنصب منك زمان؟ هتصل تقوله ايه انا اسف يا علي انا مش قصدي صح -
ايوه عشان مش المفروض أتعامل مع شخص بيطمئن عليه بطريقة ده -

مفيش حد يا أمين بيحب حد في الزمن ده افهم -

انا عايز افهم انت اصلا ليه بتحكم في جسمي هو مين محضر مين انا اللي المفروض اقولك اعمل ايه -
ومتعمليش ايه؟

ههههههههه انت مش محضر جن يا امين انا قرينك يعني انا وانت واحد يعني ده جسمي زي ما هو -
جسمك

جسمك زاي؟ أنا هنا المسيطر يا قريني -

بلاش الطريقة ده انا خايف عليك انا بعرف معلومات من الناس من خلال قرينهم مش ده القرة اللي -
كنت عايز تعرفه

ايوه صح انت بتتواصل مع قرين الشخص وتعرف معلومات عن الشخص، صح انت بتعرف معلومات انا -
معرفهاش

فهمت انا ليه بعمل كل ده عشان انا خايف عليك أنا زي عقلك هو المتحكم بشكل كامل في الجسم -
انت مش متحكم بشكل كامل

.ماشي يا قريني، دلوقتني انت هتعرفني معلومات الناس اللي قدامي زاي -

مش هينفع دلوقتني بعد 7 ايام عشان اعرف اتواصل معاك بشكل كامل -

كل التواصل ده من خلال المرايه الي موجود في الصالة كانت الساعة 2 بالليل لقيت رسالة من ابو طاولس محتوي الرسالة كان كتالي "امين في شغل بكرة اعمل الطقوس اول لمه ترجع من الشغل لحد ما ابعتلك الرسالة التانيه سلام" كنت في البلكونة بشرب كوبايه شاي عمال اقول لنفسى هروح لي الراجل ده ولا ايه مش عارف

بس الرجل ده مش تمام واهم حاجه عنده الفلوس لا لا انا مش هروح تاني انا هقطع علاقتي بواجل ده خالص، وكان في حاجه تانيه كنت بفكر فيه الفلوس اللي معاياه ده هعمل بيه ايه وهظهر الفلوس ده زاي واشيل اصلا الفلوس ده زاي مش عارف بس الفلوس خطر اووي يفضلوا تحت السريري شنطة الفلوس واخده مكان كبير مفيش مكان تاني اعمل ايه طيب؟

دخلت انام لان يومي بقي مقلوب كنت بنام الساعة 10 أو 11 دلوقتي بنام علي الفجر والساعة 3 بالليل لازم اضبط مواعيد نومي، صحيت من النوم علي الساعة 2 بعد الظهر قمت دخلت الحمام عشان اغسل وشي وهصلي انا من امبارح مصلتش حاجه

غسلت الكفين بعد كدة المضمضة بعد كدة الاستنشاق ثلاثة مرات بعد كدة غسلت وشي بعد كدة الايد اليمين المرة الاولي و المرة الثانية والمرة الثالثة بغسل ايدي الشمال لسه بدخل ايدي الشمال تحت المياه لقيت ايدي اتجمدت في مكانها فقد السيطرة علي ايدي الشمال مرة تانيه بصيت في المرايه انت اكيد هتسال دلوقتي وهتقولي ليه حصل كدة؟ وانا هكرار وهقولك كل مكان في مرايه انا موجود يعني هتفقد السيطرة علي الجزء الشمال من الجسم

بس انا بكون عادي مش معني في وقت الصلاة يعني؟ -

عشان الصلاة هتكسر التواصل بيني وبينك، الصلاة بتبني حاجر جدار قوي بينك وبين جميع الطاقات -
والكائنات

يعني ايه مش هصلي؟ -

ده بشكل مؤقت بس لحد 7 أيام بس واكون أنا وانت واحد -

طب دلوقتي كنت عايز اسأل علي حاجه؟ -

أقول -

أبو طاوس -

نصاب و بيستغلك يا أمين -

طب زاي حصل كده في يوم المقبرة هل فعلا في حاجه اسمه إنسان زهري وعنده قمرات خارقة لي -
الطبيعية

لا دي أسطورة يا أمين، واللي حصل ده كان بسببي أنا يا أمين أنا اللي كنت بحميك من الرصد و أبو -
طاوس عشان لو الرصد مكش هرب كنت أنت ميت

المواجهة بين القرين وابو طاوس

ابو طاوس بعث الرسالة الثانية وكان في الرسالة "الساعة 7 سوف تجد سيارة لونة سوداء عليك أن تركب فيه لا تنسي الساعة 7 السيارة سوف تكون أمام العمرة التي تسكن به"، أنا مش هروح أنا هكبر دماغي الرجل ده الثقة اللي بيني وبينه انتهت خلاص انا مش هخلي حد تاني يستغلني أنا هكون صاحب القرار الأول و الأخيرة في حياتي.

واليوم مشي عادي الساعة بقيت 7 بالليل كنت براقب من الشباك كان فيه عربية لونة سوداء كنت قاعد مستني هل يمكن السواق هيطلع من العربية ويطلع الشقة يخبط علي الباب عندي ولا لا، بحب اكتب اكثر من سيناريو جوه دماغي عشان لو فيه حاجه حصلت من السيناريوهات اللي في دماغي هكون جاهز انا هعمل ايه، ولكن اللي حصل كان عكس اللي كنت متوقعة، اللي حصل لمه الساعة بقيت 7:30 العربية أتحركت من قدام البيت.

هل كده الموضوع انتهى مع ابو طاوس كملت اليوم وانا بفكر هيكون رد فعل ابو طاوس ايه؟ كنت علطول مركز علي التليفون هيبعت رسالة ولا المفروض هيكلمني في التليفون بس الساعة بقيت 12 ومفيش أي رد فعل من ابو طاوس خالص، السكوت ده بصراحة كان مخوفني، **متخفش انا معاك وخلي بالك ابو طاوس هيرن الجرس بعد دقيقة واحدة خليك هنا في الصالة عشان اكون قريب منك**

مبحش المفاجات دي انا مش عارف هقوله ايه؟ **قولتك متخفش يا امين انا معاك**، وفعلا الجرس رن رحت فتحت الباب لقيت ابو طاوس

عهد ملوك الجن السفلي

قصة الاستحواذ الشيطاني (عهد ملوك الجن السفلي) عندها تفتح باب الشر بداخلك

فهمت قصدك -

المهم عده كام يوم لحد دلوقتي من تحضير القرين -

انهاردة تاني يوم -

قصدك تالت يوم الساعة 1 صباحا، يلا بينا دلوقتي عشان نلحق ناقص 4 ايام -

انت بتعمل معايا كل ده ليه يا ابو طاوس -

عشان انت زهري وانا هستفاد منك في شغلي كثير هيكون مكسب ليك وليه وانت مش معترف تتعامل -
مع قوتك الداخلية يا امين

المفاجأة التي كانت تنتظر امين في بيت ابو طاوس

وفعلا نزلت انا وابو طاوس ركبنا العربية ورحنا بيت ابو طاوس أول ما دخلت البيت لقيت رجالة كثير دخلو عليه ومسكوني **قلت** : هو في ايه يا ابو طاوس؟ في ايه؟ **ابو طاوس** : بتعمل معايا انا كدة عشان خلاص بقى معاك فلوس تبوظ عليه شغلي يا روح امك وكمان مستعجل اووي وحضرة قرينك الفلوس اللي معاك دي بسببي انا يا حبيبي

انت فاكر أن بمزاجك تشتغل معايا و بمزاجك تقولي مش هشتغل معاك انت فاكر نفسك شغال مع سوسو ياروح امك، فان الفلوس يا امين؟ **امين** : مش عارف **ابو طاوس** : الفلوس فين يا امين؟ ولا انت عايز!
تشوف الوش الثاني **امين** : مش هقولك **ابو طاوس** : تمام اووي، عوض عوض

عوض : امرك

ابو طاوس : روح البيت بتاع امين اللي انت روحت عنده المره اللي فاتت وتقلبي البيت علي الفلوس
انت فاهم

عوض : تمام يا كبير، حاجه تاني

ابو طاوس : لا روح انت، وأول ما تلقي الفلوس كلمني علطول

امين : مش في البيت اصلا يا ابو طاوس

ابو طاوس : هنشوف دلوقتي الفلوس في البيت ولا لا

امين : طب وبعد ما تاخذ الفلوس؟

ابو طاوس : عايز تعرف انت مصيرك ايه دلوقتي؟ ماشي انا هريحك، انا كنت عايز اموتك ولكن مش هينفع دلوقتي عشان انا محتاجك لسه، هتكون هنا زي الكلب محبوس في الاوضة ولمه يكون في شغل .هتخرج من الاوضة وهتروح تعمل اللي انا هقولك عليه بالحرف الواحد

امين : طب وقريني و السبع ايام اللي انت قولت عليهم؟

ابو طاوس : متخفش انا مخلص من الحوار ده، شوفت انا طيب زاي

امين : هو اللي انت متعملوا ده عشانى ولا عشانك

ابو طاوس : عشانه احنا الاتنين، مكسب مشترك

تليفون ابو طاوس رن، ولقيت ابو طاوس مبتسم اووي اكيد أنت فهمت يا صديقي عوض لقي الفلوس، كنت تعبان اووي وكنت بنام علي نفسي وفعلا نمت وصحيت من النوم لقيت نفسي مربوط في الكرسي وكنت في اوضة مقفولة عليه، ثواني ولقيت ابو طاوس بيفتح الاوضة، صحيت يا امين كل الوقت ده انت عارف الساعة كام دلوقتي؟ الساعة 10 بالليل انت منمتش بقالك اد ايه؟



امين : ايه عايز ايه؟ **ابو طاوس :** انا غلطان اني بطمن عليك بنفسي، ماشي يا عم شكرا، **امين :** ابو طاوس قول عايز ايه؟ انا مش ناقص **ابو طاوس :** والله يا امين انت اللي اخترت اللي انا بعملوا فيك دلوقتي احنا كنا مشين كويس اول ممسكت الفلوس اتحولت كدة، المهم دلوقتي هيدخلك اكل وشرب عشان تطبط نفسك عشان نبدأ في طقوس صرف قرينك

عشان نبدأ بقي نشوف شغلنا، وعايزك تتعاون معايا عشان اخلصك من اللي عايز ياخذ جسمك، امين :
 حاضر ابو طاوس : متزعش مني ولكن الحركة اللي انت عملته معايا ده زعلانتي اووي وانا في الشغل
 ادوس علي اي حد، هتكون كويس معايا هكون كويس معاك فاهم امين : تمام ابو طاوس : اسيبك بقي
 عشان الود يدخلك الاكل

امين : انا عايز ادخل الحمام؟

ابو طاوس : انا هفكلك ايدك بس عشان الاكل وارجع اربط ايدك تاني، ام الحمام فعمل الحمام بتاعك
 مكانك انا قولتك مفيش خروج من الاوضة ده غير لمة يكون في شغل فاهم

كنت حاسس بنار جوه جسمي غضب، كنت عايز اقوم اموت في اي حد يقف قدامي الاوضة اللي انا فيه
 صغيرة جدا مفهش اي منفذ ممكن اهرب منه ده لو عرفت افك نفسي اصلا، باب الاوضة حديد يعني
 صعب يتكسر الواد دخل فك ايدي ولقيت شخص تاني دخل معه الاكل عشان اكل



كانت فين الرجالة ده لمه جيت عنده المرة اللي فاتت، وكل شخص اشوفة يكون شايل معه مسدس في جنبه يعني مستحيل اعرف اهرب من هنا، اكلت الاكل وشربت المياه كنت جعان اووي وعطشان اووي الحمد لله خلصت اكل وشرب ثواني ولقيت حد بيفتح الباب وربط ايدي ثاني، لكن الغريب هو عرف .زاي انا خلصت الاكل

ابو طاوس يصرف القرين

عمال ابوص في الاوضة لحد ما لقيت كاميرا في زاوية في الاوضة زي ما قلت مستحيل الهروب من المكان ده، دقايق ولقيت ابو طاوس داخل عليه وشيال معه كتاب اسود وكان معاها شخصين وقال : جاهز يا امين؟ امين : جاهز يا ابو طاوس

لقيت ابو طاوس عمال يقول كلمات كثير اكيد طلاسم ولقيت ذكر اكثر من مرة اسم أبدياح العامري علي ما اتذكر أن ده اسم ملك القراء كان موجود اسمه في الكتاب اللي انا حضرت منه القرين، فضلت اكثر من نص ساعة مفيش اي حاجه وهو كان عمال يقرأ ويعيد ويزيد في الكلام، لقيت ابو طاوس بيقول لي شخص من الشخصين اللي معاها

هي الساعة كام لقيت نفسي بقول بدون رادة مني **قولت : الساعة 05 : 12 دقائق يا حسان** لقيت ابو
: طاوس اتوتر وشه اصفر وفضل يقول

أقسمت عليك يا قرين امين ابن فوزية أن تنصرف بحق أبدياح العامري وبحق الملك الأحمر و بحق -
ملوك الجن العلوي و بحق ملوك الجن السفلي قطعت ابو طاوس وقلت

الساعة الساعة العجل العجل ههههههههههه، تقدر تعمل ايه ثاني يا ابو طاوس؟ -

زاي زاي زاي انت مش عايز تنصرف ليه؟ -

عشان النهاردة اليوم الرابع يعني اصبحت اتحكم اكثر في الجسد يعني التواصل اللي بيني وبين امين -
اصبح من خلال الجسد، ثانيا صاحب الجسد لا يريد ان يصرفني وبداخلها غضب شديد منك يا حسان،
دلوقتي حان وقت الانتقام يا ابو طاوس

لقيت ابو طاوس والشخصين اللي كانوا معاها جري نحيت الباب، الباب اتقفل ولقيت نور الاوضة عمال
ينور ويطفئ وكان في اصوات كثير حولنا اصوات همس ابو طاوس والرجالة اللي معاها عملين يخبطو علي
الباب ويصرخوا ويقول افتحوا الباب افتحوا الباب، انا كنت حاسس بكل ده ولكن مكنتش قادر اتحرك
مكنتش قادر اتكلم كنت مشاهد فقط

لقيت نفسي الكرسي بيطير بيه أو قصدي بيرتفع بيه من علي الارض ولقيت حاسس بطاقة كبيرة اووي،
ولقيت عيني قلبت ابيض وقطعت الحبل اللي كانت مربوط بيه ونزلت علي الأرض وأول ما رجلي
لمست الأرض النور قطع اللي في الاوضة سامع صوت صراخ وناس بتتعذب ولقيت النور رجع تاني



لقيت ابو طاوس و الرجالة اللي معاها في الاوضة مرمين علي الأرض ولقيت الباب أتفتح وخرجت وكل ما راجل من رجالة ابو طاوس يشوفني القبه يقع علي الأرض وخرجت من بيت ابو طاوس ورحت لي بيتي، وكل ده وانا مش متحكم في جسمي دخلت بيتي ولقيت نفسي ببص في المرايا لقيت نفسي قرة أتكلم اخيرا **وقلت: أنت أتحكمت في جسمي خلاص؟**

لا يا أمين -

طب وانت لُزاي انت المتحكم مش انا، انا حاسس اصلا اني شفاف مش موجود -

في اليوم الرابع بيتم قسم الجسد لي فترتين الفترة الاولى بتكون الصبح وقت الانس وانت المتحكم، - والفترة الثانية هي وقت الجن ودي انا المتحكم، والمتحكم بيقدر يعمل كل حاجه بشكل طبيعية اما اللي مش متحكم هيكون مشاهدة فقط وميقدرش يسمع اي حاجه بتحدث

طب هو انت قتلت ابو طاوس ورجالته -

لا انا حبست قرناء ابو طاوس ورجالته -

يعني ايه؟ -

القرين لمة بيتم حبسه بيتم فقد التوازن بين الشر والخير بداخل الإنسان والإنسان بيصبح لا عيش ولا - ميت لان اختل التوازن في الجسم

يعني خلاص كدة انت هتستحوذ علي جسمي؟ -

وفيه ايه يا امين؟ وانت كنت المتحكم في الجسم عملت ايه يعني؟ ولا اي حاجه، عندك عقل وقوة - داخلية ومقدرتش تستخدمهم

وده جسدي انا يا قريني -

مش لوحده جسمي زي ما هو جسمك، خليني اوريك هقدر اوصل لي فين لمة اتحكم في الجسم - بشكل كامل.

هتعمل ايه يعني؟ -

هجيب اضعاف الفلوس اللي انت ضيعتها بسبب غبائك، هكون عندي افخم العربيات وافخم البيوت، -
 معمل مشاريع توصلني لي فلوس وسلطة وقوة محدش يحلم بيه، لازم اسيب بصره في العالم يا امين
 هكون احسن من كل اللي حوايك هخليهم يكونو نفسهم اني اسلم عليهم بس، هتحكم فيهم هكون
 صاحب قرار مهم في العالم، مش دي كانت احلامك اللي معرفتش تحقق فيه اي حاجه

ساكت ليه مش قادر تتكلم صح، الطريقة اللي كنت ماشي فيه غلط انت لازم تكسب الدنيا مش تفضل -
 خايف وماشي جنب الحيط يا امين، لازم انا اللي اتحكم عشان اجيبك حقك من كل الناس اللي كسروك
 وجرحوك لازم اخليك افضل منهم بكتير يا امين

قريني اصبح المتحكم في جسمي وي كانت وسيله الاتصال ليه يكون هو المتحكم او انا كانت من خلال
 المرايا، لقيت قريني قاعد وي ولع شمعتين وقفل النور وكان بيقول كلام كتير دي طلاس، هو قريني فاكر
 اني مش بسمع لكن انا بسمع ويشوف كل حاجه بتحصل ليه بيكون المتحكم، ولقيت من العدم ظهر
 ،شخص غريب جدا لابس اسود في اسود

وقال : نحن قمنا بمساعدتك في التخلص من ابو طاوس وقبلنا أنت تكون مكان ابو طاوس وعليك أن
 تقوم بتنفيذ عهد ملوك الجن السفلي



ابو طاوس اتفضل -

منزلتش ليه يا امين في الميعاد هي الرسالة مجتش ولا ايه؟ -

لا الرسالة وصلت يا ابو طاوس وانا شوفت العربية كانت قدام البيت الساعة 7 ومنزلتش -

والسبب يا امين -

مش هكمل معاك الشغل يا حسان -

نعم يا حبيبي زاي الكلام ده وحسان كمان -

أنا قولت اللي عندي شوف تقدر تعمل ايه وعملها -

وانا عايز اكلم امين مش قرين امين -

انا وامين واحد يا ابو طاوس -

صح انتم الاتنين واحد -

ابو طاوس رمي التليفون علي المرايا أتكسرت، أنا وقعت علي الأرض كنت مش فاهم ايه اللي حصل
لقيت ابو طاوس اخدني بره الشقة علي السلم وقولت لي ابو طاوس : في ايه؟

انت عملت ايه يا امين انت حضرت القرين -

انت عرفت زاي -

لان مكنتش عارف اتواصل مع قرينك وقرينك عرف اسمي الحقيقي من خلال قريني، ليه يا بني ليه -
انت لسه جديد في المجال ليه عملت خطوة زي ده، مش انا حذرتك يا بني طب مشوفتش التحذيرات
الموجود في الكتاب

انا شفت كل حاجه وعارف انا عملت ايه انا وقريني واحد يا ابو طاوس زي ما انت وقرينك واحد -

غلط يا بني الكلام ده اللي هو فهمهوك انت زاي تصدق جني يا بني ده ابن ابليس -

ابن ابليس زاي يعني -

أنت مقرأتش أول كتاب ولا أيه؟ -

لا، انا كنت عايز فصل تحضير القرين بس ودخلت علي الطقوس علطول والطقوس معملتش حاجه في -
 اول يوم وتاني يوم ظهر في مراية الحمام و بعد كدة لقيت في الكتاب ان بداية التواصل هتكون المراية
 يعني ايه انت مصرفتش قرينك لمه حضر -

لا -

غبي غبي ليه يا بني اللي أنت عملته ده انت فتحت علي نفسك باب من الجحيم -

ليه؟ -

هو اتكلم معاك في السبع ايام -

ايوة -

لازم تاجي معايه البيت يا امين انت عارف بعد ال 7 ايام هيحصل فيك ايه -

هيحصل ايه؟ -

هيتم الاستحواذ علي جسمك وانت هتكون محبوس جوه الجسم يعني هيحصل عملية تبديل هو-
 هيتحكم في جسم كامل وانت هتكون قرينه هو

زاي! هو في حاجه كدة اصلا؟ -

لورجعت بالزمن للواء في عصر المصريين القدماء، وقتلهم أن في المستقبل الانسان هيصنع عربية -
 بتمشي بسرعة كبير جدا اسرع من الجمل، والمشور اللي بياخد 3 ايام هياخد 3 ساعات بالعربية، هيكون
 ايه رد المصريين القدماء؟

فهمت قصدك -

المهم عده كام يوم لحد دلوقتي من تحضير القرين -

انهاردة تاني يوم -

قصدك تالت يوم الساعة 1 صباحا، يلا بينا دلوقتي عشان نلحق ناقص 4 ايام -

انت بتعمل معايا كل ده ليه يا ابو طاوس -

عشان انت زهري وانا هستفاد منك في شغلي كثير هيكون مكسب ليك وليه وانت مش معترف تتعامل -
مع قوتك الداخلية يا امين

نهاية الاستحواذ

www.darkweb30.com



قصة الاستحواذ الشيطاني (نهاية الاستحواذ)

قريني اصبح المتحكم في جسمي وي كانت وسيله الاتصال لمة يكون هو المتحكم او انا كانت من خلال
المرايا، لقيت قريني قاعد وي ولع شمعتين وقفل النور وكان بيقول كلام كثير دي كانت طلاسم شبه
الطلاسم الموجود في كتاب تحضير القرين، هو قريني فاكر اني مش بسمع لكن انا بسمع وبشوف كل
حاجه بتحصل لمة بيكون المتحكم، ولقيت من العدم

ظهر شخص غريب جدا لابس اسود في اسود، وقال : نحن قمنا بمساعدتك في التخلص من ابو طاوس
وقبلنا أنت تكون مكان ابو طاوس وعليك أن تقوم بتنفيذ عهد ملوك الجن السفلي

أنت سامع يا صديقي اللي أنا سمعه قريني عمل معاهدة مع ملوك الجن عشان ينتقم من ابو طاوس
ويأخذ مكانه بجسمي أنا، أنا المفروض اعمل حاجه مش هينفع قريني يستحوذ علي جسمي، النهاردة
اليوم الرابع ناقص ثلاثة أيام منقسمين بيني وبينه، أنا الصبح المتحكم وهو المتحكم بالليل ولكن في ثغرة
هو لمه اكون انا المتحكم هو بيكون مشاهد فقط مش بيسمع الكلام، لكن أنا مميزة عنه في هذه النقطة

وفي نقطة تانيه وهي وقت التحكم بيكون أمتي ولسه مكملتش الكلمة لقيت اذان الفجر بياذن وأصبحت
أن المتحكم شعور مرعب اووي انك تفقد التحكم في جسمك وحد تاني هو اللي بيتحكم مش أنت، أنا
دلوقتي عرفت بداية التحكم امتي الفجر بداية التحكم، لازم القوي حل جريت بسرعة أدور علي الكتاب
اللي أنا أخده من ابو طاوس أكيد في الحل

لقيت الكتاب ولكن كان فيه مشكلة أن الكتاب كبير وانا مش هقدر هقرأ كله ده الوقت بيعدني، انا لازم
اكون هادي عشان اعرف افكر كويس بقيت اعمل شهيق وزفير عشان ده بيساعد علي الهدوء وبعد 3
دقيق لقيت نفسي بقيت احسن وتخلصت من التوتر مسكت الكتاب وفتحت الكتاب من الأول خالص
مفيش حل تاني لازم اقرأ الكتاب كله او حتي لحد طقوس التحضير

الوقت كان بيمر وانا عمال اقرأ واركز علي كل كلمة في الكتاب كان في معلومات كتير صعبة الفهم ولكن
كنت بحاول افهم هذه المعلومات من خلال البحث علي الإنترنت، الكتاب بيشرح أن زي ما كان سيدنا
ادم عليه السلام كان له قرين من الجن والقرين ده هو ابليس الملعون، اصبح لكل بني ادم قرين من
الجن من نسل ابليس الملعون، معلومات الكتاب كانت عبارة عن تاريخ قديم و معلومات سحر اسود

لقيت قريني اتعصب جدا ومسك الكتاب وجاب ولاعة و حلة كبيرة اكيد انت عارف هو بيعمل ايه؟ كان
بيحرق الكتاب اللي اكيد كان فيه الحل كان ده الحل الوحيد عشان ارجع جسمي تاني

حرقت الكتاب اللي كان املك الوحيد يا امين، لازم تصدق اني خلاص همتهك جسدك بشكل دائم يعني -
مفيش حل خلاص.



أكيد في حل تاني -

مستحيل وانت عارف كدة كويس الكتاب اتحرق و لمه ترجع تتحكم في جسمك تاني هيكون ناقص -
يومين بس وانا هكون المتحكم الوحيد يا امين، انت ضيعت وقتي أنا لازم امشي دلوقتي

قريني خرج من البيت مش عارف هورايج فين ولكن الطريق اللي هو ماشي فيه ده انا عرفة كويس ده طريق بيت ابو طاوس هيروح لي ابو طاوس ليه؟ مكنتش عارف هيعمل ايه تاني؟ لقيت قريني فتح بيت ابو طاوس ودخل البيت كان كل حاجه زي ما هي رجالة ابو طاوس لسه مرمين علي الأرض لقيت قريني كان جايب معه بخور وشغل البخور في المكان

وفضل يقول طقوس صرف عمار المكان ومسك واحد من الرجالة وكتب علي ايديه اسم ملك القراء أنا فهمت هو بيعمل أية ده بيحضر قرين الشخص ولقيت القرين حضر وتحكم بشكل كامل في جسم الشخص ولقيت الشخص اقصد قرين الشخص بيسجد بيسجد لي قريني، وقريني عمل طقوس تحضير القرين لجميع رجالة ابو طاوس وكلهم كانوا بيسجد ليه اول ما بيحضر القرين ويتحكم في الجسم

امتلك قريني رجالة ابو طاوس اقصدي قراء رجالة ابو طاوس بعد كده أمر القراء بإحضار ابو طاوس من فوق وفعلا قاموا بتنفيذ الأمر واحضروا ابو طاوس، قام قريني برسم دائرة خماسية وقام بطلب من القراء احضار [سكين، مواد تساعد علي الإشعال، حبل، كرسي مصنوع من الخشب] وفعلا القراء قاموا بتنفيذ الامر.

قام قريني بوضع الكرسي في منتصف الدائرة ووضع عليه ابو طاوس واحضر الحبل وقام بربط ابو طاوس في الكرسي وامسك السكين وقام بقطع فراع ابو طاوس كان منظر بشع جدا، وابو طاوس كان ينظر ولا يتكلم ولا يصرخ كان جسد بلا روح، وكان بينزف دم كثير اووووي

وقريني كان يقوم باستخدام هذا الدم الذي كان ينزل من ابو طاوس في إعادة رسم النجمة ولكن بدماء بشرية وبعد ذلك قام بإسقاط المواد التي تساعد علي الاشتعال علي جسم ابو طاوس و في منتصف الدائرة

وبعد ذلك قام بوضع 5 شمعات حول الدائرة وقف بعيد وأمر القراء بإغلاق جميع الأنوار في المكان وقام بقول تعويذة بصوت عاليه جدا وبعد الانتهاء من التعويذة

هبّت رياح قوية قامت بإطفاء الخمس شمعات التي كانت مشتعلة أنطقت من قوة الرياح وكان هناك صمت مرعب في المكان انت في مكان مظلم لا تري شيء ولا تسمع شيء وبعد ثواني سمعت أصوات همس وبعد ذلك اشتعلت نار قوية في منتصف الدائرة كان ابو طاوس يحترق وكان يصرخ صرخات مرعبه جدا مشهد من ابشع المشاهد التي يمكن ان تشاهده في حياتك



وكان قريني يضحك يضحك بشكل هستيري وبعد ذلك جميع الأنوار اشتعلت مرة اخري والنيران توقفت ولكن الغريب بعد توقف النيران لم يكن هناك اثر لي ابو طاوس، ووقف قريني

وقال : حان الوقت لكي نحرر جميع القراء لكي يصبحوا هم المسيطرون علي الاجسام البشريه، أنا الزعيم هنا أنا عندما اكون المسيطر علي الجسد تكونوا انتم المسيطرون، يومين فقط وسوف اسيطر بشكل

كامل علي الجسد وانتم كذلك، هذا المكان هو مكان تحرير القراء الآن أريد منكم ان تتعامل بشكل طبيعي جدا وسط الانس اريد منك ان تقوم بعمل علاقات بينهم وتقوموا باحضارهم الي هنا وتقوم بتحرير القراء هنا، الوقت يمر وسوف يعود الانس لكي يتحكم مرة اخري في الجسد عليكم ان تسرعوا في احضار الانس هنا اسرعوا.

كنت مصحوم من اللي انا سمعتوا ومن اللي حصل مع ابو طاوس هناك فرق كبير بين ان تكون انت المستمع وان تكون انت من تعيش في هذه الواقعة، أصبت بحالة من التوهان لا استطيع أن اركز في ما يفعل قريني مع من يتحدث لا استطيع أنا الان السبب في سيطرة قريني علي جسدي وسبب ايضا سيطرة القراء علي اجساد الانس انا سبب في هذا الخراب الذي سوف يحدث الي جميع الانس انا فتحت علي نفسي وعلي جميع العالم باب من ابواب الجحيم

لا استطيع التفكير ليس هناك حل، الحل الوحيد كان في الكتاب ولكن الكتاب الآن اصبح رماد، أصبحت في حالة صمت لا افكر لا اركز في ما يحدث مع قريني أصبحت في حالة اللامبالاة حالة يأس، واستمرت هذه الحالة حتي وقت أذن الفجر أصبحت أنا المسيطر رجعت الي البيت ولكن كان جسدي مرهق جدا لا افهم كيف يتحكم في الجسد هذه المدة بدون أن يشعر بالنوم، لا استطيع التركيز عقلي يرسل لي اشارات، اشارات تعني حان وقت النوم

القراء يستحوذون علي الاجساد

وفعلا دخلت غرفة النوم أنا لا استطيع أن استمر بدون نوم يجب عليه أن انام، اعلم ماذا تريد أن تقول يا صديقي اذا نمت سوف افقد يوم كامل وسوف استيقظ وقرين يصبح المتحكم اعلم كل هذا واعلم ايضا ان النهاية أصبحت قريبا جدا أنا قمت بتضييع نفسي و العالم، ويجب علي أن انام لان عقلي لا يستطيع التفكير، جسدي يحتاج الراحة، وفي ثواني قليلة جدا دخلت في مرحلة النوم العميق

استيقظت علي ابشع منظر في حياتي، كنت في بيت ابو طاوس كان ملئ بالكثير من الأشخاص حوالي اكثر من 1000 شخص اقصد 1000 قرين مستحوذ علي الأجساد وكان قريني هو الملك كان قريني في الأسفل كان في الدور الأول من البيت وبعد ذلك طلع علي الدور الأخير وكان يقف بكل غرور

وقال بصوت عالي : عليكم أن تستعدوا غدا هو اليوم الأخير لكي نستطيع التحكم في الجسد بشكل دائم، والان اريد منكم ان تقوموا بإحضار جميع الإنس بالقوة إلي هذا المكان لكي نصبح اكثر بكثير ونسيطر بشكل كامل علي عالم الإنس.



وبعد انتهاء قريني من الكلام لقيت القراء كان في عيونهم نظرات شر وقاموا فعلا بخروج من البيت لكي ينفخوا كلام قريني، واصبح قريني لوحده في البيت وذهب لي يقف أمام المرايا وقال : **مارايك في ما يحدث؟ سوف احكم عالم الإنس بسببك**

لا انطق -

لماذا لا تريد الرد؟ تشعر انك انتهيت -

لا انطق -

انت كنت تمتلك الجسد ماذا فعلت؟ لا شيء سوف اصل إلي ما أريد وما تريد أنت -

خذ جسمي ولكن لا تقوم بأذية الناس بدون سبب -

وماذا فعلوا لك الناس؟ -

معملوش حاجه -

مش الناس دي هم اللي كانوا بيعيروك بسبب فقرك وفقر اهلك، كانوا بيجرحوك، كانوا بيضحكوا عليك -
دائما

بس مش كلهم زي بعض -

صح الناس منقسمه الي قسمين نصف الأول هم الأقوياء الأشرار والنصف الثاني الطيبين وانت منهم، -
العالم الان لا يحترم غيرالقوة يا امين، عليك أن تعرف انا افعل كل ذلك لأجلك أريد حمايتك من هذا
العالم أنت سوف تكون بأمان عندما تكون قريني، دعني انتقم لك

انت لا تريد أن تنتقم من اجلي انت تريد ان تسيطر علي عالم الانس، انت تريد الشر لانك مخلوق من -
اجل الشر انت الشر بداخلي وانا السبب في جعلك تخرج وتتحكم في جسدي، سوف ادمر خطتك يا
قريني.



لقيت نفسي قعد علي الأرض وبعيظ مش عارف اعمل ايه تاني، جت في دماغي فكرة تانيه أني اخلي روحاني يسعدني بأي طريقة جريت فتحت اللاب توب ودخلت علي الإنترنت وبقيت ابحث علي عن شخص روحاني وفضلت اجمع معلومات كتبت مجموعة أرقام كان في أرقام مصرية وأرقام دولية كنت بكلم الدولية من علي الواتساب و المصرية علي الفون، وفضلت احكيلهم علي اللي حصل كله ولكن 80% منهم كانوا ردهم :

يا بني ايه الكلام اللي انت بتقولها ده مفيش الكلام ده، انت بتهزر يا حبيبي، ويلي عملي بلوك، ويلي قال انت مجنون وعايز تتعالج، مفيش غير اثنين بس من الروحانيين اللي كانوا عارفين عن استحواذ القرين علي الجسد، الأول هو نوف الغامدى ده كان من السعودية وكان مصدقني وسألني وقال : مر كام

يوم من السبع أيام يا أستاذ أمين؟ وكان **ردي** : انهارده اخر يوم، رد **الروحاني** : الوقت فات يا بني ليه
مستني كل ده السلام عليكم وقفل المكالمة

اما الثاني كان مصري اسمه الروحاني سيد عطية وقال انا لازم اشوفك بسرعة عرفت منه العنوان ورحت
بسرعة علي العنوان كان العنوان في باب الشعرية في القاهرة المهم رحت المكان وطلعت بيت
الروحاني كان البيت قديم اووي انا كنت خايف اني البيت يقع المهم قبلت الشيخ واكيد لازم ادفع كشف
ودخلت الاوضه لقيت الاوضه مفيهاش شباك مفيهاش منفذ هواء ده بيقعد فيه زاي ده انا كنت حاسس ان
الساعة 1 بالليل وحصل الحوار الثاني

امين : السلام عليكم يا شيخ سيد

الشيخ سيد : عليكم السلام اتفضل

امين : انا امين اللي كلمتك علي الفون

الشيخ سيد : ايوه ايوه بص يا امين انا مش شيخ انا ساحر شغال بالسحر الاسود تمام وده عشان نكون
واضحين من الاول الحل الوحيد اللي ينفع مع حالتك هو الشغل السفلي ولازم نبدا علطول وقبل ما ابدأ،
اللي انا بعمله ده مش هاخذ فيه فلوس انا عايزك تشتغل معايه؟ ولازم تمضي علي الورقة ده عشان
اضمن تكون معايا لمة اخلصك من قرينك

لقيت الشيخ سيد او اللي كنت فاكره شيخ بيديني ورقة بيضه شيك علي بياض يعني، معنديش وقت لازم
امضي وفعلا مضيت علي الورقة **وقال** : انا دلوقتي محضر قرينك وهحبس قرينك لمدة اسبوع وبعد كدة

هتصرف قرينك لانه هيكون اضعف ولكن في مشكلة انك هتكون تعبان وقوتك الجسدية سوف تضعف جدا.

رديت عليه وقلت : ماشي مفيش مشكلة اهم حاجه جسمي واجسام الناس؟

الساحر : اجسام ناس مين؟

امين : وهو حضر قرناء ناس كثير ولمه بيتحكم في جسمي هم برضو بيتحكموا في اجسامهم

لقيت الساحر قلقان وكنت حاسس انه خايف ولكن تماالك اعصابه **وقال : يلا عشان نبدا جلست التحضير مفيش وقت الساعة 6:30 م الغريبه انه طلع كل الناس بره كنت انا والساحر بس لوحدنا في الشقة شغل بخور بس البخور ده كان رائحة وحشه اوي، ورسم نجمة علي ايدي وعلي راسي وفضل يقول اقسام زي اقسمت علي الملك الاحمر والملك زنقط والملك ظام لقيت النور قطع عن البيت كله**



قلت لي الساحر : هو فيه ايه؟ الساحر مش بيرد عليه انا مش شايف اي حاجه خالص طلعت التليفون عشان افتح الفلاشة نورت حوليا بدور علي الساحر لقيت الساحر قاعد علي الارض في زاوية الاوضة **قلت** : يا سيد؟ ويقرب من الساحر وقول يا استاذ سيد؟ وانا بقترب ببطئ ومديت ايدي وكانت ايدي بترعش وي اول ما لمست الساحر لقيت الساحر بصلي بطريقة مرعبة جدا وعينه قلبت ابيض

وقال : هل تعتقد أن الساحر سيد أو غيرها من السحرة يقدرُوا أن يحميك مني هم اصلا عبد لي الوقت يمر يا امين استمتع بأخر 4 ساعات في التحكم في جسدك وسوف استحوذ علي جسدك الي الابد

وترمي علي الارض كان جسمي كله بيرتعش وكان العرق مغرق جسمي انا معرفش ده مات ولا ايه، كنت مخنوق كان فيه دخان كتير اووي هو فيه ايه مسكت التليفون وطلعت برة الاوضة لقيت نار بتولع في الشقة والبيت كله جريت فتحت الباب ونزلت من البيت الناس كانت عماله تصرخ وانا جريت مش

عارف رايح فين وكنت عمال افكر في اخر 4 ساعات ومفقده السيطرة علي كل حاجه والعالم سوف

يعاني بسببي

لقيت نفسي داخل بيتي طلعت السلم و فتحت الشقة ودخلت وي رميت نفسي علي السرير وعمال ابص في الساعة وكنت براقب كل دقيقه بتمر وبفكر في مصير الناس اللي تم الاستحوذ عليه بسببي عملت كل حاجه ومفيش حل، عارف يا صديقي المشكلة اني

الشخص بيقراً طريقة التحضير من غير ما يكون عارف هو هيطلب ايه ولا عايز ايه من الجن اللي بيحضرو والمشكلة ان الانسان بيحضر من غير ما يعرف طريقة الصرف او أزي يحمي نفسه من اللي بيحضرو، كنت في حالة يأس فاقد الامل، ساعة ونصف وكل حاجه هتنتهي

كنت بفكر بصوت عالي قريني لو اتحكم في جسدي جميع القراء سوف يتحرروا لان هو الذي قام بتحضرهم يعني قريني لو متحكمش في جسدي لن يتحرروا، وانا اللي قمت بتحضير القرين وانا الذي امتلك الجسد لقيت انوار الشقة عماله تشتغل وتطفي قريني اصبح اقوي من الاول بكثير ويتحكم في اشياء كثيرة اكيد عايز يتكلم معايا.



طلعت بره عشان المرايا وفعلا كان عايز يتكلم معايا، وقال : امين لازم تصدقني انا عايز اجيبك حقك من كل اللي جرحوك ومن كل اللي ضحك عليك انا وانت واحد يا امين، لازم تفهم ان مفيش حد هو المتحكم في كل حاجه انا وانت نمتلك هذا الجسد اتعاون معايه يا امين

بس مش غريب يا قريني انك دلوقتي بتقول الكلام ده وانت اللي فائز وناقص ساعة وانت هتكون -
المسيطر علي الجسد مش غريب صح؟

لا مش غريب انا حاسس بيك وعايز اعرفك ان الموضوع مش زي ما انت فاهم -

لا انت عملت كدة علشان تضيع وقتي وتقطع تفكيري -

.لا لا لا انت اصلا بتفكر في كلام فاضي انت بتفكر في ايه اصلا؟ الموضوع خلاص انتهى يا امين -

رجعت تاني افكر قريني لو اتحكم في جسدي جميع القراء سوف يتحرروا لان هو الذي قام بتحضرهم يعني قريني لو متحكمش في جسدي لن يتحرروا، وانا اللي قمت بتحضير القرين وانا الذي امتلك الجسد لقيت قريني عمال يتكلم جريت علي الاوضه لقيت قريني بيتحكم في نصف جسدي الشمال كل اللي بيعملو ده عشان يخليني مفكرش هو خايف من ايه؟ خايف من ايه؟ خايف مني انا لو مت هو مش هيعرف يسيطر علي الجسد.

ولو معرفش يسيطر علي الجسد يبقي القراء مش هيتحرروا، انا السبب في كل ده ولازم انا اموت نفسي ببص علي الساعة لقيت ناقص 30 دقيقة لازم انجز بس اموت نفسي اموت كافر ولكن لا انا كدة هكون شهيد صح صح انا بضحي بنفسي عشان ناس كتير تعيش حياته الطبيعية انا غلطت ولازم اتحمل نتيجة غلطي بس هموت نفسي زاي لقيت النور اتقطع في العملة كله

انا الفائز مش انت ليه مش عايز تصدق أن انا خلاص اللي هسيطر علي جسديك مش شايف اي حاجه عمال احسس علي الارض عشان اشوف التليفون والحمد لله مسكت التليفون لقيت ايدي الشمال مسكت التليفون ورميت التليفون علي الارض بقوة مفيش امل الوقت خلاص خلص يا امين ههههه لقيت نفسي بقوم من علي الارض وعمال احسس رايح فين يا امين هتقتل نفسك زاي وانت مش شايف حاجه يا امين خلاص دقائق وانا اللي هسيطر

Author : Ali Abdul Aziz

Link Website : darkweb30.com

Page link on Facebook: ===> [Go to the link](#)<===

Facebook group link : ===> [Go to the link](#) <===

Email : alishrif541@gmail.com